

|                                                                             |
|-----------------------------------------------------------------------------|
| <b>Acta da Xunta de Goberno correspondente ó día 27 de setembro de 2013</b> |
|-----------------------------------------------------------------------------|

No Pazo da Deputación Provincial de Ourense, o vinte e sete de setembro do ano dous mil trece, ás dez horas, reúnese a Xunta de Goberno da Deputación baixo a presidencia de don José Manuel Baltar Blanco, presidente da mencionada Deputación -que como tal é da Xunta-, cos deputados, don Rosendo Luis Fernández Fernández, don Plácido Álvarez Dobaño, don Antonio Montero Fernández, don José Antonio Feijóo Alonso, don Emilio José Pazos Ojea, don Francisco Rodríguez Rodríguez, don José Manuel Freire Couto e don Eladio Mangana Nóvoa os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

**1.- ACTA DA SESIÓN ANTERIOR, DO DÍA 20 DE SETEMBRO DE 2013.-** Unha vez examinada a acta da sesión que tivo lugar o día vinte de setembro de dous mil trece, a **Xunta de Goberno** da Deputación **acordou**, por unanimidade, a súa aprobación, sen observacións.

**2.- CONCESIÓN DE BONIFICACIÓNS NAS TARIFAS POR USO DAS INSTALACIÓNS DO PAZO DOS DEPORTES “PACO PAZ”.-** Unha vez vista a proposta de concesión de bonificacións nas tarifas por uso das instalacións do Pazo dos Deportes “Paco Paz”, formulada polo Servizo de Deportes con data 2 de setembro de 2013, considerando a dita proposta axustada ó establecido no artigo 5 da Ordenanza reguladora dos prezos públicos pola prestación de servizos e realización de actividades no Pazo dos Deportes “Paco Paz”, ó abeiro das ditas normas, e de conformidade coa proposta favorable da Presidencia, a **Xunta de Goberno**, por unanimidade, **adopta** o seguinte **acordo**:

- Concede-las bonificacións nos prezos públicos polo uso das instalacións deportivas no Pazo dos Deportes “Paco Paz” nas porcentaxes e nas entidades deportivas que se indican:

- Departamento wu-shu - Federación de Judo (Copa Deputación ): 90%
- Delegación Ourenzá de Baloncesto (Copa Deputación): 90%
- Federación Galega de Kickboxing (Copa Deputación ): 90%

**3.- APROBACIÓN DE SUBVENCIÓN Ó CONCELLO DE CELANOVA.-** No Pleno de data 26 de abril de 2013 acordouse aproba-lo expediente nº 1/2013 de modificación das bases de execución do orzamento, que afecta ó apartado B) da Base 87ª, no que se refire á

|                                                                             |
|-----------------------------------------------------------------------------|
| <b>Acta da Xunta de Goberno correspondente ó día 27 de setembro de 2013</b> |
|-----------------------------------------------------------------------------|

especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 11.500,00 euros a favor do Concello de Celanova, para a celebración da romaría etnográfica Raigame correspondente ó ano 2013, con cargo á aplicación orzamentaria 334.13/462.01.

Unha vez vista a solicitude formulada polo alcalde do mencionado concello, comprobado polo Negociado de Subvencións Directas da Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Celanova, nos seguintes termos:

- **Importe:** 11.500,00

- **Obxecto:** a celebración da romaría etnográfica Raigame correspondente ó ano 2013.

- **Xustificación:** a subvención xustificarse mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención concedida.

- **Prazo xustificación:** ata o 31 de outubro de 2013.

**4.- ASUNTOS DE URXENCIA.**- Non se suscitaron.

**5.- COMUNICACIÓNS DA PRESIDENCIA.**- Non houbo.

**6.- ROGOS E PREGUNTAS.**- Non se formularon.

E, ás dez horas e vinte minutos, do referenciado día vinte e sete de setembro do ano dous mil trece, a Presidencia dá por rematada a sesión da Xunta de Goberno, e redáctase a presente acta, que se asinará segundo o legalmente establecido.

**O PRESIDENTE,**

**O SECRETARIO,**